

Retningslinjer for Kjøsnestfjordfondet til opphølp av fisk, vilt og friluftsliv

Oppdatert og vedtatt av kommunestyret i Jølster 28.03.2019

§ 1 Føremål som fondet kan støtøte

Fondet kan nyttast til å:

1. fremje fisket i Kjøsnestfjorden, Lundeelva og Jølstravatnet. Dette vil innebere moglegheit for finansiering av konkrete fiskebiologiske undersøkingar, prøvefiske, biotopforbetrande tiltak, og tiltak som fører til utvikling av fisket. Opprekninga er ikkje uttømmande.
2. fremje viltforvaltninga i området som grensar til Kjøsnestfjorden
3. fremje friluftslivet i området Kjøsnestfjorden med nærliggjande friluftsområde. Tiltak kan vere vedlikehald, oppgradering av eksisterande turløyper, opparbeiding av nye stiar og utsiktsrydding. Opprekninga er ikkje uttømmande.

Tiltaka som vert støtta skal kome ålmenta til gode. Det vert ikkje gjeve tilskot til lag og organisasjonars medlemsaktivitetar.

§ 2 Søkjarar

Søkjarar kan vere lag, organisasjonar, einskildpersonar eller kommune.

§ 3 Søknaden

Søknaden må innehalde:

- omtale av tiltaket/prosjektet det vert søkt støtøte til
- opplysningar om kven som står bak søknaden
- budsjett og finansieringsplan for tiltaket/prosjektet

Når lag/organisasjonar søker er det krav om at (lagets/organisasjonens) siste godkjende årsrekneskap og -balanse vert lagt ved.

§ 4 Prioritering av søknader

Dersom det vert naudsynt å prioritere mellom søknader skal følgjande moment ligge til grunn:

- Fellesprosjekt, som fleire aktørar står bak, vert prioritert framfor prosjekt frå enkeltaktørar og –personar.
- Tiltak som har å gjere med fisk blir prioritert føre vilt- og friluftslivstiltak.
- Tiltak der tilskot vert rekna som avgjerande for iverksetjing skal prioriterast framfor tiltak som vert vurdert å ha god tilgang til anna finansiering.

§ 5 Utlysing

Søknader til fondet vert handsama to gonger i året, vår og haust. Det vert annonsert for fondet på kommunen sine eigne heimesider (på internett) og i sosiale medium. Utlysing vert samordna med andre kommunale fond.

§ 6 Samordning av handsaming mot andre fond

Rådmannen avgjer kva fond innkomne søknader høyrer til. Avgjersla vert gjort på bakgrunn av kva fond som vert rekna som mest relevant utifrå:

- føremålet det vert søkt støtøte til
- kvar (geografisk) prosjektet/ tiltaket er heimehøyrande
- storleiken på dei aktuelle fonda

§ 7 Vedtaksorgan

Rådmannen greier ut søknader og gjer innstilling til vedtak. Utval for plan og utvikling gjer vedtak om tildeling.

§ 8 Løyvingar og vilkår

- Tilskotet fell vekk dersom tiltak/prosjekt ikkje er gjennomført innan 2 år frå løyvingsdato.
- Det er krav om skriftleg dokumentasjon, av gjennomføring, for å få betalt ut tilskot. Kva type dokumentasjon som vert kravd skal gå fram av vilkår for løyving.
- Dersom det vert oppdaga at tilskot er betalt ut på grunnlag av falsk dokumentasjon vert tilskot kravd betalt tilbake.

§ 9 Renter

Renteavkastning frå fondsmidlane skal tilkome fondet.